



Inatsisartuni ilaasortaq Karl Lyberth, Siumut

§36 naapertorlugu apeqqummut; nr. 2010-202, KALY_Aatsitassat, akissuteqaat
Inatsisartut suleriaasianni § 36, irmm. 1 naapertorlugu Inatsisartuni ilaasortaq Karl Lyberth (Siumut), misissuinissamut akuersissutinik pigisaqartut sulisunik nunatsinni najugaqavissunik ilinniartitsisarnissamut pisussaaffeqarnerat pillugu matuma kinguliani allassimasutut Naalakkersuisunut apeqquteqarpoq:

20. oktober 2010
Sagsnr. 2010-026628

Postboks 1601
3900 Nuuk
Tlf. (+299) 34 50 00
Fax (+299) 32 56 00
E-mail: isin@nanoq.gl
www.nanoq.gl

Naalakkersuisunut apeqqu:

Nunatsinni aatsitassarsiornermullu uuliasiornermillu suliffeqarfiit akuersissutinik pigisaqartut nunatsinni najugaqavissunik pinngitsoornatik ilinniartitsisarnissaat qulakkeerniarlugu Naalakkersuisunit piumasaqaateqartoqartarpa?

Piumasaqaateqartoqartarpat piumasaqaatit suut qanorlu imaqartut ingerlanneqarpat?

(Inatsisartunut ilaasortaq Karl Lyberth, Siumut)

Tungavilersuut:

Suliffeqarfiit aatsitassanik uuliaqassutimillu nunatsinni misissuinissaminnut akuerineqartartut qujanartumik amerliartortuarsimapput.

Suliffeqarfiit aatsitassarsiornermillu uuliasiornermillu nunatsinni ingerlatsisut sutigut tamatigut nunatsinnut iluaqutaanissaat qulakkeerniarluartariaqarparput, aamma nunatsinni najugaqartut assigiinngitsutigut ilinniartinnissaat eqqarsaatigalugu.

Nunatsinni najugaqartut, minnerunngitsumik inuusuttut eqqarsaatigalugit, siunissami aatsitassarsiornermillu uuliasiornermillu sapinngisamik amerlasuut sulisuulernissaat anguniarlugu pingaaruteqarlunnaarpoq suliffeqarfinnut tamakkuninnga ingerlatalinnut pinngitsoornatik ilinniartitsisarnissaannik piumasaqarnissaq.

Taamaattumik matumuuna paaserusuppara Naalakkersuisunit piumasaqaatigineqartarnersoq suliffeqarfiit aatsitassarsiornermillu uuliasiornermillu ingerlataqartut pinngitsoornatik nunatsinni najugaqartunit ilinniartitsisarnissaat pillugu.

Soorlu assersuutitut paaserusunnarpoq nunatta sineriaani uuliaqassutimik misissuisoq Cairn Energi nunatsinni najugaqartunik ilinniartitsinissaannik qanoq piumasaqarfingineqarmanersoq.

Akissuteqaat:

Aallarniutigalugu apeqqummut pitsaasumut naleqquttumullu qujarusuppunga. Kalaallit Nunaanni uuliasiornerup aatsitassarsiornerullu ilipparfiuneranut soqutiginninneq anertuvoq aammalu Kalaallit Nunaanni ukiuni kingulliunerusuni ikummatissiasannut ta-

matullu aatsitassanut tunngatillugu misissuinissamut akuersissutit amerleriarujussuarnerat misigineqarpoq. Tamanna ilaatigut 2004-imiit aatsitassanut tunngatillugu periusissat aammalu 2003-imiit aamma 2005-imiit ikummatissiassanut tunngatillugu periusissat malitsigivaat.

Tassunga atatillugu aatsitassarsiornermi uuliasiornermilu ingerlatanut aningaasatigut atugassarititaasussat akuersissuteqarfigineqarput. Aningaasatigut atugassarititaasus- sanik toqqaanermi tunngaviusoq pingaaruteqartoq tassaasimavoq aningaasatigut atugas- sarititaasut ataatsimut katillugit, atugassarititaasussanut nunani allani suliffissuarnut neqeroortigineqartunut naleqqiullutik unammillersinnaassuseqassasut.

Aatsitassarsiornermi suliassaqarfik inuussutissarsiutitut ataavartussatut inerisarneqas- sasoq Naalackersuisut anguniagaraat. Tamanna piujuartussatut aammalu sapinngisa- mik annertunerpaamik nunaqavissunik sulisussanik suliffeqarfinnillu kalaallinit pigineqar- tunik peqataatitsinikkut pissaaq.

Aatsitassanut ikummatissanullu inatsimmi piumasaqaat pingaaruteqartoq tassaavoq aatsitassarsiorfiutileqatigiiffiit:

- inuit naleqquttunik piginnaaneqartut innersuunneqarsinnaasimappata sulisussa- nik nunaqavissunik atuissasut, aamma
- suliffeqarfiit kalaallinit pigineqartut teknikkikkut aningaasaqarnikkullu unammil- lersinnaassuseqarsimappata atorneqassasut.

Aatsitassanut ikummatissanullu inatsimmi nutaamik piumasaqaataasoq tassaavoq I- nuaqatigiinni piujuartussamik iluaqutaasumik sunniutissanik nalilersuineq, tassalu VSB- imut nassuiaat, suliarineqartassasoq. Nassuiaatip taassuma malitseqartinnerani inger- latseqatigiiffiup, Naalackersuisut kiisalu kommunit attuumassuteqartut akornanni IBA isumaqatigiissutigineqassaaq (Impact Benefit Agreement). Isumaqatigiissummi tassani nunaqavissunik sulisoqarnissaq aammalu suliffeqarfinnik kalaallinit pigineqartunik atui- nissaq qanoq annertutigissanersoq naammassineqarsinnaasunik piumasaqaateqarto- qassaaq. Isumaqatigiissummi tamatuma saniatigut ilaassaaq siunnerfiit taakkua qanoq iliorluni anguneqassanersut pillugu pilersaarut. Ukiuni aggersuni IBA-mi isumaqatigiissu- tini siunertarineqarpoq nunaqavissunut tunngatillugu sulisussat, pilersuisussat aammalu ilinniartitaanermut suliniutit annertusiartuaartinneqartassasut.

Taamaalilluni ingerlatseqatigiiffik pisussaaffilerneqartassaaq ukiut tamaasa nunaqavis- sunik sulisoqarnikkut kalaallinillu pilersuisoqarnikkut, taakkua naleqquttunik piginnaane- qalersimanerat ilutigalugu, atuinermik annertusititsiartuaartassasoq. Sulisussanik i- ngerlatseqatigiiffinnillu piginnaangorsaanissamut suliniuteqarnerit ilaat isumaqatigiissu- tini taakkunani aamma ilaatinneqarput, tassami ingerlatseqatigiiffiit ilinniartitaanermut piginnaangorsaanermullu peqataanissamik pisussaaffilerneqarsinnaammata.

Naalackersuisut, Qaasuitsup Kommunia, Qeqqata Kommunia aamma Kommuneqarfik Sermersooq tamanna tunngavigalugu 2010-imi uuliasiorluni ingerlatani nunaqavissunik peqataatitsinissaq pillugu Cairn-imut suleqatigiinnissamik isumaqatigiissuteqarput.

Isumaqatigiissut qillerinerup 2010-imi aasaanerani ingerlanneqarneranut qaammatinut sisamanut isumaqatigiissutaavoq aammalu isumaqatigiissummi ilaatigut tuluit oqaasiisa

pikkorissarfigineqarnissaannut ilinniartitsissanullu 1,4 mio. koruunit miss. immikkoortinneqarput. Tamatuma saniatigut allassimavoq Cougar Helicopters siunissami suliaqartarnissat eqqarsaatigalugit Air Greenlandimi timmisartortartunik sisamanik sinerissap avataani timmisartortarnissamut ilinniartitsissasoq. Taamatuttaaq Arctic Base Supply (RAL) ingerlatseqatigiiffimmit tassannga sullississutinik arlalinnik pilersuinissamut isumaqatigiissuteqarfigineqarpoq.

Ukioq manna suliffeqarfinnut kalaallinit pigineqartunut teknikkikkut suliaqartuunissamut 15 mio. koruuningajannut isumaqatigiissuteqartoqareerpoq aammalu nioqqutissat kiffartuussissutillu nunaqavissunit pilersuutigineqartut nalingat 100 mio. koruunit sinnerlugit annertussuseqassasoq naatsorsuutigineqarpoq.

Septembarip qaammataata naalernerani Cairn-ip isumaqatigiissut malitseqartippaa, pilersuisunik suleqatigiisitsilluni katersuutsitsilluni, tassani 2011-imi qillerinerni pisussanut pilersaarutit ingerlateqqinneqarneranni isumaqatigiissutit arlalit suliffeqarfinnit kalaallinit pigineqartunit neqeroorfigineqarsinnaasut saqqummiunneqarlutik. Siunnerfiuvoq isumaqatigiissutini kalaallit peqataanerat, piginnaanitsinnik inerisaanerput ilutigalugu ukiumit ukiumut annertusiartuaassasoq.

Maannakkorpiaq suleqatigiinnissamut isumaqatigiissutit arlalit isumaqatiginninniutigineqarnissaat pilersaarutaavoq, suliaqarfissanut arlalinnut VSB-imik suliaqarnerup ingerlanneqarnera aallartereersimammat; tamanna ilaatigut Angel Mining (Gold) A/S-imut Nalunami kuultisiorfimmuut tunngatillugu aammalu Tanbreez Mining A/S-imut Narsap eqqaani Killavaat Alannguannut tunngatillugu atuuppoq.

Taamaalilluni nunaqavissunik ilinniartitsinissaq suliaqarfinnut ataasiakkaanut tunngatillugu pivusorsiorfumik naleqqussakkamillu ingerlanneqartussa q pillugu ataasiakkaani isumaqatigiissusiortoqartarnissaanut piumasaqaateqartoqartarpoq.

Aatsitassarsiornermut Entreprenørinullu ilinniartuup ingerlatseqatigiiffiillu akornanni ingerlaavartumik oqaloqatigiittarnerit, suliffissaaleqiffiusussamut ilinniartitsisarnissaq pingitsooriarlugu, ilinniartitaanerit atuarfiup neqeroorutigisartagaasa piffissamut naleqquttuunissaasa tulluurtuunissaasalu qulakkeerneqarnissaannut pingaaruteqarlunnarput. Atuarfik aallartimalli Fagudvalg-imik suliffissuarnit aammalu oqartussaasunit inuttaqartumik pilersitsisoqarsimavoq. Aammattaaq atuarfik aatsitassarsiorfiutileqatigiiffinnik arlalinnik ingerlaavartumik oqaloqateqartarpoq.

Taamatut oqaaseqarlunga neriuppunga apeqquutitit akissuteqarfigisimassallugit.

Inussiarnersumik inuulluaqqusillunga



Ove Karl Berthelsen